

中國方志叢書·華北地方·第三六七號

據

清乾隆十四年刊本
清黃懷祖纂修

影印

山東省

平原縣志



5.130/10

成文出版社有限公司印行



中國方志叢書·華北地方·第三六七號


據

清乾隆十四年刊本
清乾隆十四年刊本
黃懷祖纂修

影印

山東省

平原縣志



成文出版社有限公司印行



10098438

中華民國六十五年 月壹一版

平原縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

乾隆己巳重修

平原縣志

縣庫藏板

平原縣舊志序

夫郡邑之有志也非徒存故實昭因革所以考得失而懋勸戒也
要其體固貴簡潔而病冗雜然事不覈則無以鑒往辭不贍則無以俟後必讀之使人躍然如生長其地諳歷其狀興河山之感抒脣注之歎斯志之善者也吾邑東省壯鉅入我國家雖列畿外隱然同左輔焉顧舊乘叢蕪漫漶時異勢殊並殘闕者失之俾產茲者貽文獻之羞泄茲者切杞宋之歎非所以重土風而勗吏理也賢令劉侯銳意蒐輯以長垣令高君所爲志屬予序之高君宏才博學歷稽羣籍蓋本先達抑齋翁所著而潤色損益之其事覈其辭贍良哉志可謂心苦而功倍者矣予嘗

論天下事物前微細者亦有定數不能強也吾邑賦於齊鳩之
墟後與海岱相終始乃往牒已無所稽而聖朝統一函夏聲教
先被齊魯嫻於文學又其天性迺寥寥迄今也匪抑齋翁剏之
高君繼之劉侯維持而從臾之將遺所不知何人母亦有數也
耶斯其澤當世世畏壘哉予不佞生於斯地旣不能譌記爲桑
梓重而待罪垣鎮又無以宣上德意樹嘉績於鄰壤惟兢兢以
古之淳挽今之漓庶幾聖天子節儉實惠不致壅闕則夙夜耿
耿者也吾邑昔稱樸質今漸淪矣讀斯志者思至魯至道之訓
不徒曰備掌故而巳斯作者盛心哉萬歷庚寅秋七月賜進士
出身中憲大夫奉政巡撫保定等府提督紫荊等關都察院右

僉都御史前大理寺少卿京畿道監察御史邑人宋仕撰

述志

惟先王制國畫地分邑或沿或革推世道之次志建置建置必
經邦土畫封畛疆域奠而勢守分矣疆域定於川澤扶輿孕靈
物饒風媞民生蕃滋故列物產述風俗紀民賦焉測土度宜辨
方興利而後民咸又能又民而後能享神故次之以祠祀神人
諧而上下和然後民心孚洽而禮義可措故次之以學校三者
皆擾民而治之之具也事有參差不可以類存之足備搜攷雜
志不敢不志也吾原素稱文獻而人文與時宣昭學術事功風
標節誼與六公芳各以類著人物不敢不詳也教養典於官師

列其名而賢否之迹可考矣績效隆著曰惟循吏釋思不忘焉
乃列職官述名宦至於墳典道絕六經言微秦漢而下文辭燦
如也然要以發洩治道之蘊故志藝文以敦其訓焉邑人進士
歷知長垣縣事致仕高知止

後序

平原爲郡在昔一大都會與青州河朔懸衡等勝而至我朝寔
廢寔降爲邑今所名爲陵縣是已乃我邑實故郡四封地歷世
而往獨得仍舊號不湮滅更置云叢爾之士往僅獲列於附庸
而今衣冠風政田園物產至此故郡聲光不翅雄埒則余不勝
滄海桑田之感矣邑有志故廢再啓於張大中丞隨成於高明

府而宋大中丞且不恡褻然爲序珠玉冠前三先生者所謂松
榆之祭酒文苑之宗工也其於茲書如老官監談天寶年間事
言言中覈當實不虛以寄慨於杞宋之無徵功德金石與並矣
咫尺之編識大舉細彰往古而揭來今其書類史隸厥幅員而
非野其義比乘副載名山而非家無論於龍門蘭臺何若而以
絮於當實不虛之指則有賢者莫爲加懸金不能讚矣余生關
徼驗譚不文幸分百里而叨一日士昨之上士遵禮訓而昨不
窳媮區區不佞猥有所藉以稱官聯而無虞於獲上則平原也
者其他人槐安之境矣乎屬在殺青以職事未宜三謝聊爲紀
之卷尾如此任郵任德乎余不敢知矣時萬歷十有八年歲在

庚寅秋八月吉文林郎知平原縣事孤竹劉思誠謹識

修志姓氏

邑人都御史張蕙

進士知縣高知止纂集

都御史宋仕

叅政趙焯

御史霍從教

舉人張尊周訂正

署教諭王學夔

訓導王可嘉 任翀

廩庠胡來琛

孫應試 趙炳 張柱校閱

知縣劉思誠

縣丞施素貴

主簿李蕃

典史陳萬善刊行

重修平原縣志序

縣之有志也上因乎天下因乎地中因乎人而後之人復因乎前以爲伐柯之則雖時勢損益稍有不同要之時物之阜耗政教之得失民風士習之淳薄汙隆率因是考鏡以興滯而補弊焉昔程子以修志爲居官第一義後之居官者以程子爲師敢不奉以兢兢乎哉平原縣志爲前明萬歷十八年庚寅劉侯定字所刊蓋邑人高長垣因抑齋中丞本而增損潤色之越今百六十年載其間官茲土生茲土蜚聲挾藻於茲土者一切泯而無徵且以我

朝更化善俗之制聲明文物之隆百餘年來曠焉闕紀余視象之

初披閱縣志見其版策靡爛字畫剝缺往事不必盡賅而後起
人莫爲繼卽不禁慨然長歎有志續貂比家君來署晨昏提
命復唯是爲諄諄此徵啓所爲作也顧築室道謀難與慮始而
余亦鹿鹿簿領無暇以爲今春

聖天子繩武東巡來往皆經茲邑採風問俗曾無以備太史之
心竊慙焉滋懼所幸

過化之餘訟庭頗暇又

恩免正賦無事催科苟不及時修舉則歲月逾邈事蹟就
之靡爛剝缺者亦歸於無何有後此君子其更何所因

父望濱先生公車旋軫爰相與遠接近探討論而

董子臯陳亦出所見聞
釐爲十卷不敢謂踵事
以訂譌補漏乎雖然難言之
矣舊志一因於張中丞再因於
富時官保宋公稱其心
苦而功倍而劉侯猶不
已遠名山之著述無
百六十年前之靡爛刼缺者撫拾
綴緝以學步邯鄲撫心自問能信爲一
以自今以往更
有如程子其人者因加增訂爲茲邑
功則茲志其嚆
矢也夫

乾隆十有三年歲在戊辰
既望知平原縣事加二級溧陽

黃懷祉謹序

重修平原縣志凡例

計二十三
四則

一舊志刊於前明劉侯本邑先達張中丞高長垣所著也自
萬歷庚寅之秋閱今一百五十九年脫落漫漶幾不可識
因循已久訂輯殊難

一舊志自劉侯後二十年四明黃侯嘗卽其版而稍續之迨
我

朝康熙癸丑奉文重修時當事未遑也邑先達溫守趙公慨然增
纂刊版存家今版已烏有僅購得其人物志二十餘頁文
獻無徵良可浩歎

一發凡起例史事之權輿也舊志無之似不宜闕今以臆見

圖於卷首

一舊志分野區界城池三圖散附本條而縣治學宮無圖頗乖體要今並補繪列於卷首

一舊志先建置後疆域而山川風俗亦各爲一綱夫疆域因乎天地建置乃因乎人序不可舛今列疆域第一而山川風俗皆以目附邑故無山改山川爲川澤志實也復特增巡幸一條以紀異數

一舊志以城池市鎮郵舍隸疆域以古蹟坊表冢墓入雜誌今並析爲建置之目

一舊志以戶口徵稅等爲政治志而別立物產志鹽法闕焉

今統爲食貨志更增恩卹一條

一舊志戶口徵稅登載太畧若丁徭之優免田賦之荒熟本折起存尤不一及後無從考今悉遵照現定賦役全書確覈而詳書之以昭休養之仁以徵令甲之善

一祠祀學校皆依舊志綱目而以

國朝盛典增入但移學校於祠祀之前

一職官志舊列人物鄉賢之後然官師雖微一邑仰治人才興替有先責焉今竊取省志府志例先志職官非敢目亢正以示激厲爾

一前代職官姓名多佚舊志固自言之今徧爲搜羅共增入